




Dogfen Ymgynghorol
Cynnig i Gynyddu Capasiti Disgyblion yn
Ysgol Llanfair Dyffryn Clwyd

Medi 2021

Ysgol Llanfair Dyffryn Clwyd

Rhuthun

Sir Ddinbych

LL15 2SD

Cynnwys

1: Cyflwyniad – Esboniad o Gynnig yr Ymgynghoriad	4
1.1 Yr ymgynghoriad.....	4
1.2 Rhestr o'r Ymgynghoreion	6
1.3 Datblygu Cynigion Trefniadaeth Ysgolion	7
2: Mae eich barn yn bwysig – Sut gallwch chi gael rhagor o wybodaeth a rhoi eich sylwadau?	7
3: Y Cynnig – Pam rydym ni'n cynnig y newidiadau?	8
4: Opsiynau a chrynodeb o'r wybodaeth	10
4.1 Cyflenwad a galw am leoedd ysgol	10
Rhagamcaniadau Disgyblion	11
4.2 Ystyriaeth o opsiynau ar gyfer y safle.....	11
5: Digonolrwydd adeiladau'r ysgol ac effaith y cynnig ar ansawdd yr adeiladau	11
6: Effaith y cynnig ar yr ysgolion amgylchynol	13
7: Beth fyddai'r effaith ar y ddarpariaeth feithrin?	13
8: Ansawdd a safonau	13
8.1 Estyn	13
8.2 Llywodraeth Cymru.....	15
8.3 Gwerthusiad o effaith y cynnig ar ansawdd a safon addysg	16
9: Beth fyddai'r effaith ar Anghenion Addysgol Arbennig (AAA) a Saesneg fel iaith Ychwanegol (SIY)?	16
10: Manteision posibl gweithredu'r cynnig	17
11: Anfanteision posibl gweithredu'r cynnig	17
12: Risgiau sy'n gysylltiedig â'r cynnig	17
13: Trefniadau derbyn.....	18
14: Cyllid: Costau ac ariannu	18
15: Sut bydd y cynnig yn effeithio ar staff	19
16: Trefniadau Cludiant	19
17: Effaith y cynnig ar yr iaith Gymraeg	20
18: Effaith y cynnig ar ddarpariaeth yr Eglwys yng Nghymru	20
19: Cydraddoldeb	20
20: Cynaliadwyedd	21
21: Effaith ar y gymuned.....	21
22: Camau nesaf – Sut i gyflwyno eich sylwadau	21
23: Dyddiadau allweddol	22

24: Beth sy'n digwydd nesaf?	22
24.1 Adroddiad yr Ymgynghoriad.....	22
24.2 Y Broses Statudol	23
25: Cyfnod ymgynghori	23
26: Cyhoeddi hysbysiadau statudol	23
27: Penderfynu ar y cynigion	23
28: Hysbysiad o'r penderfyniad	24
29: Ffurflen ymateb yr ymgynghoriad ffurfiol	25

1: Cyflwyniad – Esboniad o Gynnig yr Ymgynghoriad

Mae'r ymgynghoriad hwn yn gyfle i'r gymuned leol a'r gymuned ehangach i ddysgu am y cynnig i gynyddu capasiti disgyblion yn Ysgol Ysgol Llanfair Dyffryn Clwyd yn barhaol.

Mae Corff Llywodraethu Ysgol Llanfair Dyffryn Clwyd yn dymuno derbyn sylwadau partion â diddordeb ynglŷn â'r cynnig i gynyddu capasiti'r disgyblion amser llawn yn Ysgol Ysgol Llanfair Dyffryn Clwyd o 105 i 126 o'r 31^{ain} Awst 2022. Byddai'r cynnydd hwn yn golygu y byddai nifer derbyn pob grŵp blwyddyn yn cynyddu o 15 disgybl i 18.

Mae'r ddogfen ymgynghorol hon yn nodi'r wybodaeth y bydd angen i ymgynghoreion ei hystyried er mwyn cymryd rhan yn llawn yn y broses ymgynghori. Mae'r broses hon yn dilyn canllawiau rheoleiddiol fel y'u nodir yng Nghod Trefniadaeth Ysgolion 2018.

I ofyn am gopi caled o'r ddogfen ymgynghori, anfonwch e-bost at ymgynghoriadysgolllanfair@sirddinbych.gov.uk.

Mae cyfnod yr ymgynghoriad yn dechrau **ddydd Gwener 10^{fed} Medi 2021** a daw i ben **ddydd Gwener 22^{ain} Hydref 2021**.

1.1 Yr ymgynghoriad

Mae'r ymgynghoriad hwn yn cynnwys gwybodaeth a nodir yng Nghanllawiau Llywodraeth Cymru ac mae'n nodi'r wybodaeth y bydd ei hangen ar bobl er mwyn cymryd rhan yn y broses ymgynghori.

Mae'r Corff Llywodraethu yn dymuno derbyn sylwadau gan bawb sy'n debygol o fod â diddordeb mewn unrhyw newid yn Ysgol Llanfair Dyffryn Clwyd. Mae'n bwysig bod modd ystyried pob sylw cyn dod i benderfyniad.

Y cam cyntaf yn y broses oedd i'r Corff Llywodraethu gynnal ymgynghoriad ag Esgobaeth Llanelwy mewn perthynas â'r cynnig. Roedd yn rhaid gwneud hyn cyn cyhoeddi'r ddogfen ymgynghori. Roedd hyn yn rhoi cyfle i Esgobaeth Llanelwy fyfyrion ar y Cynigion ac ystyried a oedd yn dymuno cefnogi'r cynnig. Dechreuodd y cyn-ymgynghori hwn ar 2 Awst 2021 a daeth i ben ar 30 Awst 2021; ac ar ôl hynny cadarnhaodd yr Esgobaeth ei bod yn gwbl gefnogol i'r Corff Llywodraethol gynnal ymgynghoriad llawn mewn perthynas â'r cynnig i gynyddu'r capasiti yn Ysgol Llanfair Dyffryn Clwyd.

Lluniwyd fersiwn atodol o gynnig ffurfiol yr ymgynghoriad hwn a bydd yn cael ei rhoi i'r plant hynny sy'n debygol o gael eu heffeithio gan y cynnig presennol. Mae'r fersiwn atodol yn hawdd ei darllen er mwyn sicrhau bod plant a phobl ifanc yn gallu deall yr ymgynghoriad ffurfiol a chymryd rhan ynddo yn well.

Rydym yn ymgynghori felly â'r gymuned, defnyddwyr posibl a rhanddeiliaid perthnasol eraill. Byddwn yn cynnal cyfarfodydd ar gyfer disgyblion a staff Ysgol

Llanfair Dyffryn Clwyd yn ystod y cyfnod ymgynghorol gan mai'r rhanddeiliaid hyn sydd yn fwyaf tebygol o gael eu heffeithio gan y cynnig.

Byddwn hefyd yn cynnal sesiynau gwybodaeth ar gyfer rhieni ac unrhyw bartion eraill â diddordeb yn ystod y cyfnod ymgynghorol. Bydd y rhain yn sesiynau 10 munud o hyd a drefnir drwy apwyntiad yn unig. Bydd y sesiynau yn cael eu cynnal wyneb yn wyneb neu'n rhithiol yn unol â chanllawiau COVID diweddaraf y Llywodraeth. A fydddech cystal ag anfon neges e-bost i'r cyfeiriad canlynol, ymgyngoriadysgolllanfair@sirddinbych.gov.uk i drefnu apwyntiad ar gyfer sesiwn wybodaeth ac i gael rhagor o wybodaeth.

Dylid anfon llythyrau ymateb i'r cyfeiriad canlynol: Ymgynghoriad Ysgol Llanfair, Ysgol Llanfair Dyffryn Clwyd, Rhuthun, Sir Ddinbych, LL15 2SD neu drwy e-bost ymgyngoriadysgolllanfair@sirddinbych.gov.uk; mae'n rhaid i'r llythyrau hyn ein cyrraedd erbyn **dydd Gwener 22^{ain} Hydref 2021**.

Rhagwelir y bydd Corff Llywodraethu Ysgol Llanfair Dyffryn Clwyd yn ystyried adroddiad ar ganlyniad yr ymgynghoriad ffurfiol hwn mewn cyfarfod a gynhelir **ddydd Mawrth 16^{eg} Tachwedd 2021**, pan fydd penderfyniad yn cael ei wneud ynglŷn â chyhoeddi hysbysiad statudol neu beidio.

Oherwydd nifer yr ymatebion a dderbynnir wrth ymgynghori ar opsiynau, ni fydd yn bosibl i ni gydnabod ymatebion ysgrifenedig na gohebu â phartion â diddordeb naill ai yn ystod y cyfnod ymgynghorol neu ar ôl hynny.

Fodd bynnag, bydd eich sylwadau yn cael eu hystyried a byddwn yn ymateb iddynt drwy gyhoeddi adroddiad ar ôl yr ymgynghoriad.

Sylwer, bydd Corff Llywodraethu Ysgol Llanfair Dyffryn Clwyd yn edrych ar yr holl ymatebion a dderbynnir ar gyfer yr ymgynghoriad hwn gyda'r nod o'u defnyddio i lywio'r broses benderfynu.

Digwyddiad	Dyddiadau
Ymgynghoriad – yn ystod y cyfnod hwn gallwch gyflwyno eich sylwadau drwy'r dulliau canlynol: - Sesiwn wybodaeth - Cyfarfodydd gyda Disgyblion a Staff Ysgol Llanfair Dyffryn Clwyd - Ysgrifennu neu anfon neges e-bost i'r Corff Llywodraethu - Llenwi'r ffurflen ymateb	10 Medi – 22 Hydref 2021
Bydd canfyddiadau'r ymgynghoriad yn cael eu cyflwyno i Gorff Llywodraethu Ysgol Llanfair Dyffryn Clwyd. Bydd y Corff Llywodraethu yn penderfynu a yw'n dymuno symud ymlaen i gam nesaf yr ymgynghoriad.	16 Tachwedd 2021
Os bydd y corff llywodraethu yn cytuno, bydd hysbysiad statudol yn cael ei gyhoeddi. Hysbysiadau cyhoeddus yw'r rhain a gyhoeddir ar wefannau'r ysgol a Chyngor Sir Ddinbych. At hyn, bydd yr hysbysiad yn cael ei arddangos ym	22 Tachwedd 2021

mynedfa'r ysgol. Gallwch gyflwyno eich sylwadau ar y cam hwn drwy ysgrifennu neu anfon neges e-bost i'r Corff Llywodraethu. Bydd yr hysbysiad cyhoeddus yn cynnwys manylion am sut gellir gwneud hyn.	
Penderfyniad terfynol ynglŷn â'r cynnig gan yr Awdurdod Lleol	12 - 17 Ionawr 2022
Y cynnig i'w weithredu erbyn	Medi 2022

Sylwer y gall yr amserlen hon newid, a byddwn yn rhoi gwybod am unrhyw newidiadau.

Gall y Corff Llywodraethu ddweud wrthoch chi os bydd hyn yn digwydd a hefyd nodi'r dyddiadau newydd rydym yn gweithio tuag atynt.

1.2 Rhestr o'r Ymgynghoreion

Anfonwyd y ddogfen ymgynghorol hon at amrediad eang o bobl, gan gynnwys:

- a. Disgyblion, rhieni, athrawon a staff ategol Ysgol Ysgol Llanfair Dyffryn Clwyd
- b. Cadeiryddion Cyrff Llywodraethu a Chynghorau Ysgol yr ysgolion canlynol:
 - i. Ysgol Pentrecelyn;
 - ii. Ysgol Carreg Emlyn
 - iii. Ysgol Llanbedr
 - iv. Ysgol Dyffryn Iâl;
- c. Esgobaeth Llanelwy yr Eglwys yng Nghymru ac Esgobaeth Wrecsam yr Eglwys Gatholig;
- d. Penaethiaid a Chadeiryddion Llywodraethwyr holl Ysgolion Sir Ddinbych;
- e. Darparwyr meithrin annibynnol yn ardal Rhuthun;
- f. Holl Gynghorwyr Sir, Cyngor Sir Ddinbych;
- g. Aelodau'r Senedd ac Aelodau Senedd y Deyrnas Unedig sy'n cynrychioli ardaloedd a gaiff eu heffeithio gan y cynnig;
- h. Cyngor Cymuned Llanfair Dyffryn Clwyd;
- i. Cyngor Cymuned Llanellidan;
- j. Cyngor Cymuned Efenectyd;
- k. Cyngor Tref Rhuthun;
- l. Llywodraeth Cymru;
- m. Estyn;
- n. Undebau athrawon a staff perthnasol.
- o. Gwasanaeth Effeithiolrwydd Ysgolion (GwE)
- p. Partneriaeth Plant a Phobl Ifanc Sir Ddinbych a Phartneriaethau Datblygiad y Blynyddoedd Cynnar a Gofal Plant
- q. Comisiynydd y Gymraeg
- r. Comisiynydd Heddlu a Throsedd Gogledd Cymru
- s. Cyngor Sir y Fflint
- t. Cyngor Bwrdeistref Sirol Wrecsam.

1.3 Datblygu Cynigion Trefniadaeth Ysgolion

Dylai'r gwaith o ddatblygu cynigion trefniadaeth ysgolion roi sylw i bolisïau ac egwyddorion cenedlaethol trosfwaol, gan gynnwys:

- Confensiwn y Cenhedloedd Unedig ar Hawliau'r Plentyn;
- Iaith Fyw: Iaith Byw – Strategaeth y Gymraeg 2012-2017;
- Strategaeth Addysg Cyfrwng Cymraeg;
- Cymru'n Un: Cenedl Un Blaned, cynllun datblygu cynaliadwy newydd i Gymru Mai 2009 neu unrhyw strategaeth olynol;
- Strategaeth Tlodi Plant Cymru (cyhoeddwyd mis Chwefror 2011 dogfen wybodaeth rhif 95/2011), neu unrhyw strategaeth olynol;
- Ffydd mewn Addysg.

At hyn, dylai'r broses o ddatblygu cynigion trefniadaeth ysgolion ystyried cynlluniau lleol, gan gynnwys:

- Cynlluniau lleol ar gyfer datblygu economaidd neu ddatblygiadau tai;
- Cynlluniau strategol y Gymraeg mewn addysg;
- Cynlluniau plant a phobl ifanc;
- Canllawiau ysgolion yr Unfed ganrif ar hugain.

Dylid hefyd ystyried canllawiau Llywodraeth Cymru ar faterion cysylltiedig yn ymwneud â threfniadaeth ysgolion, fel:

- Canllaw gweithredol Teithio gan ddysgwyr (Ebrill 2009);
- Mesur capasiti ysgolion yng Nghymru.

Mae'r ffactorau y dylid eu hystyried gan gyrrff perthnasol wrth lunio, cyhoeddi, cymeradwyo neu benderfynu ar gynigion trefniadaeth ysgolion fel a ganlyn:

- Ansawdd a safonau addysg - deilliannau, darpariaeth ac arweinyddiaeth a rheolaeth;
- Yr angen am leoedd a'r effaith ar hygyrchedd ysgolion
- Darparu adnoddau ar gyfer addysg a goblygiadau ariannol eraill.

Ffactorau cyffredinol eraill fel effaith y cynnig ar blant o gefndiroedd difreintiedig yn economaidd, ac unrhyw faterion cydraddoldeb (gan gynnwys y rhai a nodir gan asesiadau effaith ar gydraddoldeb).

2: Mae eich barn yn bwysig – Sut gallwch chi gael rhagor o wybodaeth a rhoi eich sylwadau?

Gallwch gyflwyno eich sylwadau i ni mewn sawl ffordd. Mae ffurflen ymateb safonol ynghlwm â'r ddogfen hon. Gallwch lenwi'r ffurflen hon a'i dychwelyd atom i'r cyfeiriad a nodwyd cyn **dydd Gwener 22^{ain} Hydref 2021**.

Gallwch gyflwyno eich sylwadau atom drwy e-bost. Y cyfeiriad e-bost ar gyfer anfon eich sylwadau yw:

ymgyngghoriadysgolllanfair@sirddinbych.gov.uk anfonwch eich negeseuon cyn **dydd Gwener 22^{ain} Hydref 2021**.

Gallwch lawrlwytho ffurflen ymateb yma:
<https://www.ysgollanfairdc.cymru/ymgyngghoriad.htm>

Byddwn hefyd yn cynnal sesiynau gwybodaeth ar gyfer rhieni ac unrhyw bartïon eraill â diddordeb yn ystod y cyfnod ymgynghori. Bydd y sesiynau 10 munud o hyd yn cael eu trefnu drwy apwyntiad yn unig. Bydd y sesiynau hyn yn cael eu cynnal wyneb yn wyneb neu'n rhithiol yn unol â chanllawiau COVID diweddaraf y Llywodraeth. Yn ystod y sesiynau hyn bydd cyfle i chi siarad â chynrychiolwyr y Corff Llywodraethu, Esgobaeth Llanelwy a Chyngor Sir Ddinbych a fydd yn gallu ateb eich cwestiynau.

Dylid anfon llythyrau ymateb i'r cyfeiriad canlynol: Ymgynghoriad Ysgol Llanfair Dyffryn Clwyd, Ysgol Llanfair Dyffryn Clwyd, Rhuthun, Sir Ddinbych, LL15 2SD erbyn **dydd Gwener 22^{ain} Hydref 2021**.

Oherwydd nifer yr ymatebion a dderbynnir wrth ymgynghori ar opsiynau ni fyddwn yn gallu cydnabod ymatebion ysgrifenedig na gohebu â phartïon â diddordeb naill ai yn ystod y cyfnod ymgynghori neu ar ôl y cyfnod hwnnw.

Fodd bynnag, bydd eich sylwadau yn cael eu hystyried a byddwn yn ymateb iddynt drwy gyhoeddi adroddiad ar ôl yr ymgynghoriad.

Sylwer, ni fydd unrhyw sylwadau a dderbynnir ar y cam hwn yn cael eu trin fel gwrthwynebiadau.

3: Y Cynnig – Pam rydym ni'n cynnig y newidiadau?

Y cynnig yw cynyddu capasiti disgyblion yn barhaol yn Ysgol Llanfair Dyffryn Clwyd o 105 i 126 o'r 31ain Awst 2022.

Mae'r ysgol wedi gweld cynnydd yn y galw am leoedd ac o ganlyniad rydym yn wynebu sefyllfa lle mae gormod o rieni yn dymuno i'w plant fynychu'r ysgol ac felly yn cyflwyno apeliadau.

Trosglwyddiadau canol y flwyddyn				
Blwyddyn	Ysgol	Trosglwyddiadau i'r ysgol	Trosglwyddiadau o'r ysgol (Ysgolion CSDd yn unig)	Ceisiadau a Wrthodwyd
2019 - 20	Ysgol Llanfair	2	0	1
2020 - 21	Ysgol Llanfair	12	3	4

Mae'r galw am leoedd meithrin yn yr ysgol ar gyfer y flwyddyn ysgol 2021-2022 wedi'i ddangos yn y tabl isod.

Derbyniadau Meithrin 2021					
Ysgol	Rhif Derbyniadau	Cyfanswm y Ceisiadau	Nifer y lleoedd meithrin a ddyrannwyd Medi 2021	Nifer y ceisiadau Dewis 1^{af} a wrthodwyd	Nifer y ceisiadau am ysgol addas agosaf a wrthodwyd
Ysgol Llanfair Dyffryn Clwyd	15	24	15	9	4

Ers agor yr ysgol newydd ym mis Chwefror 2020 rydym wedi gweld twf cyson yn y galw yn ardal Llanfair Dyffryn Clwyd/ Pwllglas ac mae Cyngor Sir Ddinbych, fel yr awdurdod derbyn, wedi gorfod gwrthod disgyblion y mae Ysgol Llanfair Dyffryn Clwyd yn ysgol addas agosaf iddynt.

Er na fyddai cynnal y drefn bresennol yn cael effaith negyddol ar ansawdd yr addysgu a'r dysgu yn Ysgol Llanfair Dyffryn Clwyd, gallai diffyg gweithredu i fynd i'r afael â chynnydd cydnabyddedig yn y galw am lefydd a thystiolaeth o ddewis rhieni, gynyddu'r risg y bydd effaith andwyol ar ansawdd a safon addysg yn yr ardal ehangach. Ni fyddai adnoddau yn cael eu cymhwyso a'u defnyddio'n effeithiol wrth addysgu a dysgu.

Mae gan Ysgol Llanfair Dyffryn Clwyd gapasiti ar hyn o bryd yn yr adeilad newydd i ymdopi â chynnydd yn nifer y disgyblion. Cafodd capasiti ychwanegol ei ychwanegu yn nyluniad yr adeilad newydd ar gam achos busnes y prosiect, gan gydnabod yr effaith debygol ar ragamcaniadau disgyblion yr ysgol yn dilyn y penderfyniad i roi caniatâd cynllunio ar gyfer 63 o anheddau yn y pentref.

O'i osod yng nghyd-destun yr heriau sy'n wynebu darpariaeth addysgol a chynaliadwyedd darpariaeth addysgol o ansawdd uchel, mae'r Corff Llywodraethu yn cyflwyno'r cynnig hwn i gynyddu capasiti Ysgol Llanfair Dyffryn Clwyd o 31ain Awst 2022.

3.1 Maint y Grwpiau Blwyddyn Arfaethedig

Cynigir y byddai'r ysgol yn gweithredu drwy dderbyn 18 o ddisgyblion fesul grŵp blwyddyn.

Opsiwn 1 Mynediad 2022		
Grŵp Blwyddyn	Oedran	Nifer y Disgyblion
Meithrin	3-4	18*
Derbyn	4-5	18
1	5-6	18
2	6-7	18
3	7-8	18
4	8-9	18
5	9-10	18
6	10-11	18

* Bydd niferoedd y disgyblion meithrin yn cael eu rhannu yn sesiynau bore a phrynhawn (9 o ddisgyblion fesul sesiwn).

3.2 Strwythur y Dosbarthiadau

Er mwyn darparu ar gyfer nifer y disgyblion newydd byddai strwythur y dosbarthiadau fel a ganlyn:

Dosbarth	Ystod Oedran	Nifer y Disgyblion	Maint y Dosbarth
Meithrin/ Derbyn	3-4	Meithrin - 9 (fesul sesiwn) Derbyn -18	27
Blwyddyn 1/2	4-6	Bl. 1 – 18 Bl. 2 –12	30
Blwyddyn 2/3	5-7	Bl. 2 – 6 Bl. 3 – 18	24
Blwyddyn 4/5	8-10	Bl. 4 – 18 Bl. 5 – 6	24
Blwyddyn 5/6	9-11	Bl. 5 – 12 Bl. 6 – 18	30

4: Opsiynau a chrynodeb o'r wybodaeth

Fel yr awdurdod derbyniadau, mae Cyngor Sir Ddinbych yn parhau i fonitro'r galw am leoedd ysgol drwy ei arolwg dewisiadau rhieni yn ogystal â thrwy ddadansoddi'n fanwl y ceisiadau am leoedd. Yn ogystal, mae'r Awdurdod Lleol, drwy Gynllun Strategol y Gymraeg mewn Addysg (WESP), wedi ymrwmo i barhau i sicrhau ei fod yn darparu lleoedd cyfrwng Cymraeg i bawb sy'n dymuno eu derbyn.

Lle bydd cyllid yn caniatáu, bydd yr Awdurdod Lleol yn ceisio cynyddu nifer y lleoedd ysgol sydd ar gael, er mwyn ateb y galw lleol, gwella'r dosbarthiad o leoedd ysgol a chynnig mwy o ddewis i rieni. Mae hyn yn cynnwys gwaith a wnaed gan Gyngor Sir Ddinbych fel rhan o Adolygiad Rhuthun a Band A Rhaglen Ysgolion yr 21^{ain} Ganrif.

4.1 Cyflenwad a galw am leoedd ysgol

Mae'r tabl isod yn dangos nifer y disgyblion ar y gofrestr ym mhob un o'r ysgolion a allai gael eu heffeithio yn ystod y 5 mlynedd blaenorol.

Ysgol	NAG* 2017	NAG* 2018	NAG* 2019	NAG* 2020	NAG* 2021
Ysgol Llanfair Dyffryn Clwyd	94	93	90	99	100
Ysgol Pentrecelyn;	43	43	35	30	27
Ysgol Carreg Emlyn	75	75	73	67	69
Ysgol Llanbedr	45	46	49	55	64
Ysgol Dyffryn Iâl	48	49	50	49	49

*NAG = Nifer y disgyblion ar y gofrestr. Ffigurau o ddata CYBLD a ddarparwyd gan Dderbyniadau Sir Ddinbych.

Rhagamcaniadau Disgyblion

Ysgol	NAG* 2022	NAG* 2023	NAG* 2024	NAG* 2025	NAG* 2026
Ysgol Llanfair Dyffryn Clwyd	101	101	99	99	98
Ysgol Pentrecelyn;	29	26	26	24	25
Ysgol Carreg Emlyn	64	59	53	51	49
Ysgol Llanbedr	61	53	55	50	50
Ysgol Dyffryn Iâl	50	50	45	44	42

Mae rhagamcaniadau disgyblion yn cael eu cyfrifo ar sail cyfartaledd 3 blynedd gwir nifer y disgyblion meithrin, derbyn a blwyddyn 1 ar gyfer y flwyddyn dan sylw. Defnyddir y cyfartaledd hwn i amcangyfrif nifer y disgyblion meithrin ar gyfer y flwyddyn ganlynol a chaiff gweddill y data disgyblion eu cario ymlaen. Nid yw rhagamcaniadau disgyblion yn ystyried dylanwadau allanol ar niferoedd disgyblion, fel datblygiadau newydd neu gyfraddau geni sy'n cynyddu. Felly nid yw'r rhagamcaniadau disgyblion hyn yn ystyried unrhyw gynnydd yn niferoedd disgyblion o ganlyniad i ddatblygiad Cae Mair yn ogystal â'r ceisiadau y bu'n rhaid i'r Awdurdod Lleol eu gwrthod oherwydd y cynnydd yn y galw.

4.2 Ystyriaeth o opsiynau ar gyfer y safle

Gwneud dim - Cynnal y drefn bresennol - Er na fyddai cynnal y drefn bresennol yn cael effaith negyddol ar ansawdd yr addysgu a'r dysgu yn Ysgol Llanfair Dyffryn Clwyd, gallai diffyg gweithredu i fynd i'r afael â chynnydd cydnabyddedig yn y galw am lefydd a thystiolaeth o ddewis rhieni, gynyddu'r risg y bydd effaith andwyol ar ansawdd a safon addysg yn yr ardal ehangach. Ni fyddai adnoddau yn cael eu cymhwyso a'u defnyddio'n effeithiol wrth addysgu a dysgu.

Gwneud y mwyaf – Ymestyn – Byddai'r opsiwn hwn yn golygu adeiladu estyniad i ddarparu ar gyfer cynyddu nifer y disgyblion. Er y byddai'r opsiwn hwn yn mynd i'r afael â'r angen am leoedd ychwanegol i ddisgyblion yn Ysgol Llanfair Dyffryn Clwyd, byddai angen buddsoddiad cyfalaf sylweddol ar unrhyw estyniad a byddai hefyd yn debygol o gynyddu maint yr ysgol i'r fath raddau fel y byddem yn cael ein gadael gyda nifer sylweddol o lleoedd disgyblion dros ben.

Opsiwn a ffefrir – Cynyddu capasiti'r ysgol - Mae digon o gapasiti eisoes yn adeilad newydd yr Ysgol ar gyfer cynyddu'r capasiti i 126 o ddisgyblion llawn amser. Yn ystod y cam dylunio ac ymgynghori cyn-cynllunio ar gyfer adeilad newydd yr ysgol, roedd llawer iawn o adborth yn canolbwyntio ar sicrhau y gellid addasu'r adeilad newydd i ymdopi â newidiadau o'r fath yn y dyfodol. Bydd y dyluniad a gafodd ei ddatblygu yn golygu bod modd darparu ar gyfer disgyblion ychwanegol yn yr adeilad drwy ddefnyddio'r gofod yn yr ysgol mewn ffyrdd gwahanol heb y gofyniad am fuddsoddiad cyfalaf pellach.

5: Digonolrwydd adeiladau'r ysgol ac effaith y cynnig ar ansawdd yr adeiladau

Mae cyflwr adeiladau addysg Cyngor Sir Ddinbych yn gwella'n gyffredinol gan fod nifer o ysgolion wedi derbyn buddsoddiad sylweddol i wella'r cyfleusterau fel rhan o'r Rhaglen Ysgolion yr 21^{ain} Ganrif. Mae hyn yn cynnwys buddsoddiad yn yr ysgol

newydd ar gyfer Ysgol Llanfair Dyffryn Clwyd, a agorodd ym mis Chwefror 2020. Bellach mae gan yr ysgol amrediad eang o gyfleusterau newydd sy'n addas i'r pwrpas ac ar gyfer cyflwyno cwricwlwm ar gyfer yr 21^{ain} ganrif.

Mae'r tabl isod yn rhoi gwybodaeth am gyflwr yr adeiladau yn Ysgol Llanfair Dyffryn Clwyd.

Ysgol	Categori	Math o Ysgol	Ystod Oedran	Capasiti	Gradd Cyflwr
Ysgol Llanfair Dyffryn Clwyd	Dwy Ffrwd	Rheolir yn wirfoddol	3-11	105	A

Mae gradd cyflwr safleoedd ysgolion eraill, y gallai'r cynnig effeithio arnynt o bosibl, wedi'u dangos yn y tabl isod.

Ysgol	Categori	Math o Ysgol	Ystod Oedran	Capasiti	Gradd Cyflwr
Ysgol Pentrecelyn, Pentrecelyn;	Cyfrwng Cymraeg	Cymuned	3-11	56	C
Ysgol Carreg Emlyn, Clocaenog	Cyfrwng Cymraeg	Cymuned	3-11	101	A
Ysgol Llanbedr, Llanbedr	Cyfrwng Saesneg	Rheolir yn wirfoddol	3-11	77	C
Ysgol Dyffryn Iâl, Llandegla	Cyfrwng Saesneg yn bennaf ond yn gwneud defnydd sylweddol o'r Gymraeg	Rheolir yn wirfoddol	3-11	60	A

Allwedd Llywodraeth Cymru i Radd Cyflwr Safleoedd Addysg	
Gradd A	Da. Yn perfformio fel y bwriadwyd ac yn gweithredu'n effeithlon.
Gradd B	Boddhaol. Yn perfformio fel y bwriadwyd ond yn dangos rhywfaint o ddirywiad.
Gradd C	Gwael. Yn dangos diffygion sylweddol a/neu nid yw'n gweithredu fel y bwriadwyd.
Gradd D	Gwael iawn. Mae oes y safle wedi dod i ben a/neu mae risg difrifol o fethiant yn y dyfodol agos iawn.

Mae digon o le ac adnoddau yn Ysgol Llanfair Dyffryn Clwyd i ymdopi â'r cynnydd yn nifer y disgyblion i 126. Felly, ni fydd y cynnig yn effeithio ar ansawdd yr adeilad.

At hyn, ni fydd y cynnig yn effeithio ar safleoedd eraill neu fuddsoddiad a allai gael eu heffeithio gan y safleoedd hynny yn y dyfodol.

6: Effaith y cynnig ar yr ysgolion amgylchynol

Mae galw cynyddol o hyd am ddarpariaeth ysgol ddwyieithog ac ers agor safle newydd yr ysgol mae'r ysgol wedi gweld cynnydd yn nifer y disgyblion ac mae'r nifer ar y gofrestr yn parhau i gynyddu. Nid yw'r corff llywodraethu yn rhagweld y bydd y cynnig yn cael effaith negyddol ar ysgolion amgylchynol gan fod y cynnydd mewn capasiti yn seiliedig ar angen ac o ganlyniad i ddatblygiadau yn agos at safle'r ysgol yn ogystal â galw cynyddol am ddyraniadau dewis 1^{af} i'r ysgol.

7: Beth fyddai'r effaith ar y ddarpariaeth feithrin?

Byddai'r ddarpariaeth feithrin yn cael ei chynyddu yn unol â nifer y derbyniadau a gyhoeddwyd yn ddiweddar ar gyfer Ysgol Llanfair Dyffryn Clwyd. Byddai hyn yn galluogi rhagor o blant i fynychu'r ysgol yn Llanfair Dyffryn Clwyd a'r ardaloedd amgylchynol, lle mae'r galw am leoedd wedi cynyddu.

	Lleoedd Meithrin sydd ar gael ar hyn o bryd	Lleoedd Meithrin fydd ar gael ar ôl y cynnig ychwanegol
Ysgol Llanfair Dyffryn Clwyd	15	18
Ysgol Pentrecelyn	8	8
Ysgol Carreg Emlyn	14	14
Ysgol Llanbedr	11	11
Ysgol Dyffryn Iâl	8	8

Byddai'r cynnig hwn yn darparu 3 lle meithrin ychwanegol bob blwyddyn. Er mwyn darparu ar gyfer y niferoedd ychwanegol ar draws yr ysgol gyfan, byddai'r ddarpariaeth feithrin yn cael ei rhannu yn sesiynau bore a phrynhawn. Er mwyn cynnig gofal 'cofleidiol' i rieni mae'r Cylch Meithrin wedi cytuno i ddarparu sesiynau bore a phrynhawn ar gyfer y ddau ddosbarth meithrin.

8: Ansawdd a safonau

Mae'r Corff Llywodraethu yn gweithio'n agos gyda'r Awdurdod Lleol i sicrhau bod safonau Ysgol Llanfair Dyffryn Clwyd yn uchel, bod addysgu yn dda a bod arweinyddiaeth a llywodraethiant yn gadarn. Ar y cyd â'r awdurdod lleol, mae'r corff llywodraethu yn gweithio'n agos gyda dau sefydliad er mwyn monitro perfformiad ysgolion a chefnogi'r gwaith o wella ysgolion.

8.1 Estyn

Estyn yw swyddfa Prif Arolygydd Addysg a Hyfforddiant Ei Mawrhydi yng Nghymru. Mae'n gorff y goron, a sefydlwyd o dan Ddeddf Addysg 1992. Mae Estyn yn annibynnol ar Gynulliad Cenedlaethol Cymru ond mae'n cael ei ariannu gan Lywodraeth Cymru o dan Adran 104 o Ddeddf Llywodraeth Cymru 1998. Mae Estyn yn arolygu ansawdd a safonau addysg a darparwyr hyfforddiant yng Nghymru.

Wrth gynnig newidiadau o'r math hwn i ysgolion, dylai'r cynigydd gyfeirio at adroddiad diweddaraf Estyn ac unrhyw dystiolaeth arall a ddaw o fonitro perfformiad ac unrhyw wybodaeth sydd ar gael am effeithiolrwydd ysgol.

Mae'n rhaid i'r cynigydd hefyd ddangos effaith debygol y cynigion ar ansawdd y canlynol:

- safonau a chynnydd cyffredinol, o ran grwpiau penodol a sgiliau;
- lles ac agweddau at ddysgu;
- profiadau addysgu a dysgu (ansawdd addysgu, ehangder, cydbwysedd a phriodoldeb y cwricwlwm, a'r ddarpariaeth sgiliau);
- cymorth gofal ac arweiniad (olrhain, monitro a'r ddarpariaeth cymorth dysgu, datblygiad personol a diogelu); ac
- arweinyddiaeth a rheolaeth (ansawdd ac effeithiolrwydd arweinwyr a rheolwyr, prosesau hunanwerthuso a chynllunio gwelliant, dysgu proffesiynol, a'r defnydd o adnoddau)

Os cafodd yr arolygiad ei gynnal cyn 2017 byddai'n rhaid dangos yr effaith ar ansawdd y canlynol:

- Deilliannau, safonau a lles
- Darpariaeth, profiadau dysgu, addysgu, cymorth gofal ac arweiniad, amgylchedd dysgu.
- Arweinyddiaeth a Rheolaeth (arweinyddiaeth, gwella ansawdd, gweithio mewn partneriaeth a rheoli adnoddau)

Mae ysgolion yn cael eu harolygu fel rhan o raglen arolygu ysgolion genedlaethol. Diben arolygiad yw nodi nodweddion da a diffygion mewn ysgolion er mwyn gwella ansawdd yr addysg a gynigir a chodi safonau'r disgyblion. Mae Adroddiadau Arolygon Estyn yn dynodi graddau i gwestiynau allweddol ac yn rhoi argymhellion i'r ysgolion ar gyfer gwella.

Cynhaliwyd arolygiad diwethaf Estyn yn Ysgol Llanfair Dyffryn Clwyd ym mis Rhagfyr 2015. I weld copi o'r arolygiad llawn, ewch i:

https://www.estyn.llyw.cymru/node/4966?_ga=2.207866454.512598973.1629971245-117237002.1629971245

Dangosir canfyddiadau arolygiad Estyn ar gyfer y cwestiynau allweddol yn y tabl isod.

Cwestiwn Allweddol	Canfyddiad Arolygiad Ysgol Llanfair Dyffryn Clwyd
1. Pa mor dda yw'r deilliannau?	Da
2. Pa mor dda yw'r ddarpariaeth?	Da
3. Pa mor dda yw'r arweinyddiaeth a'r rheolaeth?	Da
Perfformiad presennol yr ysgol	Da
Rhagolygon gwella'r ysgol	Da

Allwedd:

Rhagorol – Llawer o gryfderau, gan gynnwys enghreifftiau arwyddocaol o arfer sy'n arwain y sector

Da – Llawer o gryfderau a dim meysydd pwysig sydd angen eu gwella'n sylweddol

Boddhaol – Mae cryfderau'n gorbwyso'r meysydd i'w gwella

Anfoddhaol – Mae'r meysydd pwysig i'w gwella yn gorbwyso'r cryfderau

Mae cysylltiadau ag adroddiadau ESTYN yr ysgolion y gallai'r cynnig effeithio arnynt o bosibl wedi'u dangos yn y tabl isod.

Ysgol	Cyswllt ag adroddiad ESTYN
Ysgol Pentrecelyn	https://www.estyn.llyw.cymru/node/4916?_ga=2.140125747.1089139838.1630045938-1423213235.1630045938
Ysgol Carreg Emlyn	https://www.estyn.llyw.cymru/node/4648?_ga=2.140125747.1089139838.1630045938-1423213235.1630045938
Ysgol Llanbedr	https://www.estyn.llyw.cymru/node/4960?_ga=2.216738070.1089139838.1630045938-1423213235.1630045938
Ysgol Dyffryn Iâl	https://www.estyn.llyw.cymru/node/4694?_ga=2.102960768.1089139838.1630045938-1423213235.1630045938

8.2 Llywodraeth Cymru

Yn 2014 cyflwynodd Llywodraeth Cymru system gategoreiddio newydd a oedd yn ystyried safonau pob ysgol, ynghyd â chapasiti'r ysgol i wella er mwyn deall lefel y cymorth roedd angen i sefydliadau fel GWE ei ddarparu i bob ysgol er mwyn iddynt gyrraedd eu targedau.-

Categori	Ystyr y categori
Gwyrdd	Ysgol effeithiol iawn sy'n cael ei rhedeg yn dda, lle mae'r arweinyddiaeth yn gadarn ac yn glir o ran ei blaenoriaethau ar gyfer gwella.
Melyn	Ysgol effeithiol sydd eisoes yn gwneud yn dda ac sy'n gwybod pa feysydd mae angen eu gwella.
Oren	Ysgol sydd angen ei gwella ac sydd angen cymorth i adnabod y camau i wella neu i wneud i newidiadau ddigwydd yn gynt.
Coch	Ysgol sydd fwyaf angen gwella a fydd yn derbyn cymorth dwys ar unwaith.

Mae canlyniadau categorïau pob ysgol yn cael eu cyhoeddi'n flynyddol, fel arfer ym mis Ionawr. Fodd bynnag, y tro diweddaf i ddata'r categorïau gael eu cyhoeddi oedd ym mis Ionawr 2020. Mae'r gofyniad i adrodd y categorïau wedi cael ei lacio gan Lywodraeth Cymru yn sgil pandemig COVID 19.

System Genedlaethol ar gyfer Categoriaddio Ysgolion 2020	
Ysgol	Categori Cymorth
Ysgol Llanfair Dyffryn Clwyd	Melyn
Ysgol Pentrecelyn	Oren
Ysgol Carreg Emlyn	Oren
Ysgol Llanbedr	Melyn
Ysgol Dyffryn lâl	Gwyrdd

I gael rhagor o wybodaeth am y cynllun categoriaddio, gweler canllawiau Llywodraeth Cymru i'r System Genedlaethol ar gyfer Categoriaddio Ysgolion: <https://llyw.cymru/system-ar-gyfer-categoriaddio-ysgolion>

8.3 Gwerthusiad o effaith y cynnig ar ansawdd a safon addysg

Ym marn y Corff Llywodraethu, petai'r cynnig yn cael ei roi ar waith byddai'n cynnal safon ac ansawdd presennol yr addysg yn Ysgol Llanfair Dyffryn Clwyd. Mae'r adolygiad wedi ceisio mynd i'r afael â heriau yn y maes sydd â'r potensial i effeithio ar gynaliadwyedd darpariaeth addysg o ansawdd uchel yn y dyfodol. Mae'r cynnig hwn yn ceisio cynnal y safonau hyn gyda'r nod o gryfhau a gwella darpariaeth addysgol yn y meysydd canlynol:

- Deilliannau (safonau a lles)
- Darpariaeth (profiadau dysgu, addysgu, gofal, cymorth ac arweiniad, ac amgylchedd dysgu)
- Arweinyddiaeth a Rheolaeth (Arweinyddiaeth, gwella ansawdd, gweithio mewn partneriaeth a rheoli adnoddau)

At hynny, gan y byddai'r nifer arfaethedig o ddisgyblion ychwanegol ym mhob grŵp blwyddyn yn gymharol fach, ni ragwelir y byddai hyn yn effeithio ar allu'r ysgol i gyflwyno'r cwricwlwm llawn. Yn wir, gall y newid arfaethedig yn strwythur y dosbarth i gynnwys grwpiau blwyddyn gymysg, gefnogi'r gwaith o gyflwyno'r Cwricwlwm i Gymru newydd sy'n canolbwyntio ar gamau dilyniant a'r continwum dysgu h.y. pwysigrwydd cynnydd dysgwyr unigol yn hytrach na mesur cynnydd yn seiliedig ar oedran.

Yn yr un modd, gan nad yw'r cynnig yn debygol o effeithio'n sylweddol ar niferoedd disgyblion yn unrhyw un o'r ysgolion a allai gael eu heffeithio yn yr ardal, yna ni ragwelir y byddai unrhyw effaith negyddol ar ansawdd neu safonau'r addysg a gyflwynir na'u gallu i gyflwyno'r cwricwlwm llawn.

9: Beth fyddai'r effaith ar Anghenion Addysgol Arbennig (AAA) a Saesneg fel Iaith Ychwanegol (SIY)?

Ni fydd unrhyw newid i'r ddarpariaeth AAA ac SIY. Nid oes unrhyw ddarpariaeth yn derbyn adnoddau yn yr ysgol ac felly bydd disgyblion a gaiff eu hadnabod yn cael eu

cefnogi gan Wasanaeth Addysg a Phlant Sir Ddinbych mewn perthynas â Chynlluniau Addysg Unigol, datganiadau Anghenion Addysg Arbennig a chymorth ar gyfer caffael iaith fel sy'n briodol.

10: Manteision posibl gweithredu'r cynnig

Petai'r cynnig yn cael ei weithredu, disgwylir y byddai'r manteision canlynol yn cael eu gwireddu:-

- Byddai cynnydd yng nghapasiti lleoedd ar gyfer darpariaeth Ysgol ddwyieithog a byddai'r galw lleol am leoedd ysgol yn cael ei ateb yn well.
- Byddai cynnydd yn nifer y dyraniadau dewis 1af yn yr awdurdod lleol.
- Byddai gostyngiad yn nifer y ceisiadau am leoedd mewn ysgol agosaf leol sy'n cael eu gwrthod.
- Byddai gostyngiad yng nghyfrifoldeb cludiant yr Awdurdod gan fod llai o geisiadau dewis 1af ac ysgolion agosaf disgyblion yn cael eu gwrthod.

11: Anfanteision posibl gweithredu'r cynnig

Pan fydd cynigion trefniadaeth ysgolion yn cael eu cyflwyno bydd rhai anfanteision yn anorod. Mae anfanteision y cynnig fel a ganlyn:

- Byddai'r cynnig yn golygu bod angen i'r Awdurdod Lleol ddarparu cyllideb refeniw ychwanegol i Ysgol Llanfair Dyffryn Clwyd i gynorthwyo â'r cymorth addysgu ychwanegol gofynnol. Fodd bynnag, byddai hyn o bosibl yn cael ei liniaru drwy osod plant mewn ysgolion nad oeddynt yn ddewis 1af, gan ailddosbarthu'r gyllideb briodol o wahanol leoliadau.
- Gall y cynnig ddenu disgyblion ychwanegol na fyddai wedi dewis Ysgol Llanfair Dyffryn Clwyd yn flaenorol, felly gallai hyn gael effaith ar niferoedd ar y gofrestr mewn ysgolion eraill.
- Anfantais bosibl o safbwynt addysgu / dysgu yn sgil rhannu'r Cyfnod Sylfaen / CA2.

12: Risgiau sy'n gysylltiedig â'r cynnig

Mae'r risgiau i'r ysgol, y Corff Llywodraethu a'i rhanddeiliaid yn fychan. Gellir lliniaru'r risgiau hyn drwy wneud y canlynol:

- Cynyddu'r gyllideb – Mae arian yn cael ei ddefnyddio eisoes, ond byddai'n cael ei wasgaru ar draws ysgolion eraill.

- Denu disgyblion o ysgolion eraill – oherwydd y cynnydd yn y galw am Ysgol Llanfair Dyffryn Clwyd yn sgil cynnydd yn niferoedd disgyblion yn yr ardal leol, nid yw ysgolion cyfagos yn debygol o weld niferoedd disgyblion yn gostwng. Mae data CYBLD a rhagamcaniadau disgyblion yn dangos hyn hefyd.

O ystyried y manteision, risgiau ac anfanteision uchod, mae'r Corff Llywodraethu o'r farn bod manteision mwy hirdymor y cynnig, i gynyddu'r lleoedd mewn ardal lle mae'r galw yn cynyddu, yn gorbwyso unrhyw anfanteision.

13: Trefniadau derbyn

Bydd nifer y disgyblion sy'n cael eu derbyn yn codi o 15 i 18 o fis Medi 2022. Bydd trefniadau derbyn yn parhau yn unol â gweithdrefnau derbyn yr Awdurdod Lleol, felly ni fydd unrhyw newidiadau arwyddocaol.

Mae Polisi Derbyniadau Cyngor Sir Ddinbych ar gael yma:

<https://www.sirddinbych.gov.uk/cy/dogfennau/addysg/canllaw-gwybodaeth-ysgolion-202122.pdf>

14: Cyllid: Costau ac ariannu

Y gyllideb refeniw ddirprwyedig yn 2021/22 ar gyfer Ysgol Llanfair Dyffryn Clwyd yw £502,543 a chost uned yr ysgol fesul disgybl llawn amser yw £4,741.

Cyfrifwyd goblygiadau ariannol y cynnydd arfaethedig mewn capasiti ar gyfer y flwyddyn ariannol 2023/24 ar gyfer y cyfnod ar ôl i'r cynnig arfaethedig gael ei roi ar waith. Ar yr adeg hwnnw, y rhagamcan ar gyfer nifer y disgyblion ar gofrestr yr ysgol fyddai 106 o ddisgyblion amser llawn a 18 disgybl rhan amser. Y gyllideb refeniw ddirprwyedig AMCANGYFRIFIEDIG ar gyfer y flwyddyn honno, yn seiliedig ar Fformiwla Cyllidebau Ysgolion ar gyfer cyllidebau dirprwyedig ysgolion cynradd fyddai £519,430. Mae hwn yn gynydd rhagamcanedig o £17,654 o'r gyllideb ddangosol bresennol ar gyfer 2023/24.

Bydd y gyllideb refeniw fwy a fyddai'n ofynnol ar gyfer disgyblion ychwanegol yn rhan o'r addasiad i'r pot cynradd o dan y pennawd 'demograffeg'.

Byddai'r cynnydd hwn yn cael ei ariannu'n raddol bob blwyddyn o gyllideb ychwanegol a ddyrennir yng nghyllideb ddirprwyedig ysgolion gyffredinol yr awdurdod o ganlyniad i bwysau ychwanegol yn sgil cynnydd yn y boblogaeth.

Rhagamcan y gost fesul uned ar gyfer cyllideb yr ysgol yn y flwyddyn 2023/24, yn seiliedig ar y Fformiwla Cyllidebau Ysgolion presennol ar gyfer cyllidebau dirprwyedig ysgolion cynradd a lefelau gwerth ariannu, yw £4,517. Mae hyn yn debygol o fod ychydig yn uwch na chost gyfartalog Sir Ddinbych fesul disgybl ar sail y rhagolygon cyfredol, ond yn debyg i ysgolion sydd â capasiti disgyblion tebyg.

Os na weithredir y cynnig, gallai'r ysgol fod yn wynebu diffyg cyllideb yn y tymor hir. Rhagwelir y byddai gwelliant yn y sefyllfa ariannol yn y tymor hir os yw'r cynnig yn cael ei weithredu.

Mae'n bosibl y bydd gostyngiad yng nghostau cludiant gan y bydd mwy o bobl yn gallu sicrhau lle yn yr ysgol dewis 1af agosaf. Byddai hyn yn arbediad i'r awdurdod lleol yn hytrach na'r ysgol.

15: Sut bydd y cynnig yn effeithio ar staff

Bydd y cynnig yn cael cyn lleied o effaith â phosibl ar y staff. Ni ddylai'r cynnig gael effaith uniongyrchol ar staff addysgu, cynorthwyr dosbarth a staff ategol, gan mai 3 yn unig o ddisgyblion ychwanegol fydd yn cael eu derbyn fesul pob grŵp oedran.

Mae'n bosibl y bydd y cynnydd mewn niferoedd yn cymryd tipyn o amser i gael effaith drwy'r ysgol a bydd hyn yn rhoi digon o amser i'r ysgol adolygu ei dulliau o strwythuro'r dosbarthiadau ac yna o bosibl recriwtio, gan gael effaith gadarnhaol ar nifer y swyddi fydd ar gael.

16: Trefniadau Cludiant

Yr Awdurdod Lleol sy'n gyfrifol am y trefniadau cludiant. Mae'n ofynnol i'r Awdurdod Lleol ddilyn y fframwaith cyfreithiol sy'n gysylltiedig â theithio a darpariaethau cludiant ar gyfer dysgwyr fel y'u nodir ym Mesur Teithio Dysgwyr 2014 gan Lywodraeth Cymru.

Yn unol â'r Mesur Teithio Dysgwyr, mae'n rhaid i Awdurdodau Lleol wneud y canlynol:

- Asesu anghenion teithio dysgwyr yn ardal yr awdurdod
- Darparu cludiant am ddim o'r cartref i'r ysgol i ddysgwyr o oedran ysgol gorfodol sy'n mynychu ysgol gynradd ac sy'n byw **2 filltir** neu fwy o'r ysgol addas agosaf
- Darparu cludiant am ddim o'r cartref i'r ysgol i ddysgwyr o oedran ysgol gorfodol sy'n mynychu ysgol uwchradd ac sy'n byw **3 milltir** neu fwy o'r ysgol addas agosaf
- Asesu a bodloni anghenion plant 'sy'n derbyn gofal' yn ardal yr awdurdod
- Hybu mynediad at Addysg Cyfrwng Cymraeg
- Hybu dulliau teithio cynaliadwy

Byddai unrhyw drefniadau Cludiant yn cael eu gwneud yn unol â Phrotocol Cludiant Ysgol Cyngor Sir Ddinbych. <https://www.denbighshire.gov.uk/cy/dogfennau/eich-cyngor/strategaethau-cynlluniau-a-pholisiau/polisiau/addysg-ac-ysgolion/polisi-cludiant-i-ddysgwyr-v2.pdf>

Bydd mwy o blant yn cael lle mewn ysgol yn agosach at eu cartref a bydd hyn yn cael effaith gadarnhaol ar Drafnidiaeth.

At hyn, fel rhan o'r gwaith o ddatblygu'r ysgol newydd darparodd Cyngor Sir Ddinbych gysylltiad i gerddwyr rhwng yr ysgol a datblygiad newydd Cae Mair er mwyn darparu llwybr diogel i gerddwyr i safle'r ysgol o'r datblygiad newydd drwy Bron y Clwyd er mwyn osgoi gorfod defnyddio'r A525 Ffordd Wrecsam a'r man cyfyng yng Nghyffordd Bron y Clwyd.

17: Effaith y cynnig ar yr iaith Gymraeg

Fel y nodir yng Nghod Trefniadaeth Ysgolion Llywodraeth Cymru, mae'n ofynnol cyhoeddi asesiad o'r effaith ar y Gymuned, Cydraddoldeb a'r iaith Gymraeg. Mae'r asesiad llawn ar gael yn atodiad 1 ar y dydalen ymgynghori [yma](#).

Y prif ganfyddiadau cadarnhaol sy'n ymddangos o'r asesiad effaith yw cynnydd mewn lleoedd dwyieithog i ddisgyblion a fydd yn cefnogi'r cynnydd yn y defnydd o'r Gymraeg yn y gymuned. Mae darparu ar gyfer y cynnydd mewn capasiti yn cynrychioli cyfle i gryfhau addysg Gymraeg yn yr ardal ac o ganlyniad yn cryfhau'r iaith Gymraeg.

Ar y cyfan, ni fyddai'r cynnig yn cael effaith negyddol ar yr iaith Gymraeg a gallai'r cynnydd yn y ddarpariaeth o leoedd dwyieithog yn yr ysgol gael effaith gadarnhaol ar y defnydd o'r Gymraeg yn y gymuned a fyddai'n cefnogi targedau allweddol o fewn WESP presennol Sir Ddinbych.

18: Effaith y cynnig ar ddarpariaeth yr Eglwys yng Nghymru

Mae 44 o ysgolion cynradd yn Sir Ddinbych. Mae Ysgol Gynradd yr Eglwys yng Nghymru Llanfair Dyffryn Clwyd yn un o 9 ysgol gynradd yr Eglwys yng Nghymru ac mae'n ysgol eglwys ddwyieithog, yr unig un yn Sir Ddinbych. Byddai'r cynnig hwn yn cynyddu capasiti'r ysgol o 105 i 126 lle gan arwain at 21 o leoedd ychwanegol mewn ysgol Eglwys yng Nghymru. Byddai Ysgol Gynradd yr Eglwys yng Nghymru Llanfair Dyffryn Clwyd yn cadw ei hethos crefyddol gan wasanaethu mwy o ddisgyblion.

19: Cydraddoldeb

Fel y nodwyd yn Nghod Trefniadaeth Ysgolion Llywodraeth Cymru, mae'n ofynnol cyhoeddi asesiad o'r effaith ar y Gymuned, Cydraddoldeb a'r iaith Gymraeg. Mae'r asesiad llawn ar gael yn atodiad 1.

Ar y cyfan, mae'r asesiad o'r effaith ar gydraddoldeb yn gadarnhaol. Mae nifer o ystyriaethau i'w hystyried o ran effaith ac nid yw'r cynnig hwn yn cael dim effaith arnynt oherwydd natur y cynnig.

Prif nodweddion cadarnhaol yr asesiad yw'r cynnydd yn nifer y lleoedd a fydd ar gael mewn ysgol eglwys ddwyieithog i fodloni'r galw ac annog mynediad, lleihau nifer y dewisiadau 1af sy'n cael eu gwrthod, lleihau nifer y ceisiadau am ysgolion agosaf addas sy'n cael eu gwrthod a lleihau nifer y brodyr/chwirydd sy'n cael eu gwrthod.

20: Cynaliadwyedd

Mae'r cynnig hwn yn cynyddu cynaliadwyedd darpariaeth addysg yn yr ardal.

Os bydd yr ysgol yn parhau gyda capasiti o 105 o ddisgyblion amser llawn, yna ni fyddai'r capasiti yn ateb y galw am leoedd yn yr ardal gan arwain at gynydd yn nifer y ceisiadau sy'n cael eu gwrthod ac apeliadau. At hyn, oherwydd na fydd disgyblion yn mynychu eu hysgol addas agosaf bydd yn rhaid darparu cludiant ysgol ychwanegol gan arwain at gostau ychwanegol i'r awdurdod lleol.

21: Effaith ar y gymuned

Fel y nodwyd yng Nghod Trefniadaeth Ysgolion Llywodraeth Cymru, mae'n ofynnol cyhoeddi asesiad o'r effaith ar y Gymuned, Cydraddoldeb a'r Iaith Gymraeg. Mae'r asesiad llawn yn atodiad 1.

Ar y cyfan, bydd y cynnig yn cael effaith niwtral ar ddisgyblion, rhieni/gofalwyr a'u teuluoedd. Mae'r cynnydd a gynigir wedi ystyried yr effaith ar y gymuned leol, ynghyd â'r galw am leoedd.

Gan nad yw'r cynnig yn cau darpariaeth ysgol nac yn newid y ddarpariaeth bresennol yn sylweddol ni ddylai gael unrhyw effaith fawr ar weithgareddau'r gymuned.

Trwy gydol y cyfnod ymgynghorol os bydd unrhyw effeithiau wedi'u cyfiawnhau yn dod i'r amlwg bydd yr asesiad o'r effaith yn cael ei adolygu a bydd mesurau yn cael eu hystyried er mwyn lleihau unrhyw effaith.

22: Camau nesaf – Sut i gyflwyno eich sylwadau

Mae sawl ffordd y gallwch gyflwyno eich i ni. Mae ffurflen ymateb i'r ymgynghoriad ynghlwm â chynnig yr ymgynghoriad hwn. Gallwch lenwi'r ffurflen hon a'i hanfon atom i'r cyfeiriadau isod.

Gallwch gyflwyno sylwadau drwy e-bost. Y cyfeiriad e-bost ar gyfer anfon eich sylwadau yw:

ymgyngoriadysgolllanfair@sirddinbych.gov.uk

Gallwch lawrlwytho ffurflen ymateb i'r ymgynghoriad yma:

<https://www.ysgolllanfairdc.cymru/ymgyngoriad.htm>

Dylid anfon llythyrau ymateb i'r cyfeiriad hwn: Ymgynghoriad Ysgol Llanfair Dyffryn Clwyd, Ysgol Llanfair Dyffryn Clwyd, Rhuthun, Sir Ddinbych, LL15 2SD.

Rhaid i ni dderbyn pob ymateb cyn dydd Gwener 22^{ain} Hydref 2021.

Byddwn hefyd yn cynnal sesiynau gwybodaeth i rieni ac unrhyw bartïon eraill â diddordeb yn ystod y cyfnod ymgynghorol. Bydd y rhain yn sesiynau 10 munud o hyd

a drefnir drwy apwyntiad yn unig. Bydd y sesiynau hyn yn cael eu cynnal wyneb yn wyneb neu'n rhithiol yn unol â chanllawiau COVID diweddaraf y Llywodraeth. Yn ysotd y sesiynau hyn bydd cyfle i chi siarad â chynrychiolwyr y Corff Llywodraethu, Esgobaeth Llanellwy a Chyngor Sir Ddinbych a fydd ar gael i ateb eich cwestiynau. **Ni fydd sylwadau yn cael eu hystyried fel gwrthwynebiadau ar y cam hwn.**

23: Dyddiadau allweddol

Dyddiad	Gweithgaredd
10 Medi 2021	Cyhoeddi'r ymgynghoriad
6 Hydref 2021	Cyfarfod Staff
6 Hydref 2021	Cyfarfod o Gyngor yr Ysgol
13 Hydref 2021	Sesiynau Gwybodaeth
22 Hydref 2021	Diwedd yr Ymgynghoriad
16 Tachwedd 2021	Cyfarfod o'r Corff Llywodraethu – Cyflwyno'r adroddiad ar ôl yr ymgynghoriad
22 Tachwedd 2021	Cyhoeddi Hysbysiadau Statudol
19 Rhagfyr 2021	Diwedd y cyfnod Hysbysiad Statudol
12- 17 Ionawr 2022	Penderfyniad Terfynol y Pennaeth Addysg (CSDd)/ Cabinet

Sylwer y gall yr amserlen hon newid, a byddwn yn rhoi gwybod am unrhyw newidiadau.

24: Beth sy'n digwydd nesaf?

24.1 Adroddiad yr Ymgynghoriad

Cyn pen 13 wythnos ar ôl diwedd y cyfnod a ganiateir ar gyfer ymatebion (a chyn cyhoeddi'r cynigion), bydd y Corff Llywodraethu yn cyhoeddi adroddiad yr ymgynghoriad a fydd yn:

- Crynhoi pob un o'r materion a godwyd gan yr ymgynghoreion;
- Ymateb drwy gynnig eglurhad, diwygio'r cynnig neu wrthod y pryderon, gan roi rhesymau i gefnogi hyn.
- Nodi safbwynt Estyn am rinweddau cyffredinol y cynnig fel y'i nodwyd yn ei ymateb i'r ymgynghoriad.

Gall adroddiad yr ymgynghoriad hefyd wneud argymhellion – er enghraifft, a ddylai'r Corff Llywodraethu fwrw ymlaen h.y. i gyhoeddi'r cynigion yr ymgynghorwyd yn eu cylch ynghyd ag unrhyw ddiwygiadau priodol, rhoi'r gorau i'r cynigion a chynnal y status quo neu adolygu'r cynigion a gwneud newidiadau sylweddol ac ailymgynghori.

Bydd y Corff Llywodraethu yn sicrhau bod unrhyw safbwyntiau a fynegir gan blant a phobl ifanc sy'n cael eu heffeithio gan y cynigion yn cael eu nodi yn adroddiad yr ymgynghoriad a bod yr adroddiad yn addas a hygyrch i blant a phobl ifanc.

Bydd adroddiad yr ymgynghoriad yn cael ei gyhoeddi yn electronig, ar wefannau'r ysgol a Chyngor Sir Ddinbych, a bydd yr hysbysiad hefyd yn cael ei arddangos wrth fynedfa'r ysgol. Bydd copïau caled ar gael os gwneir cais amdanynt.

24.2 Y Broses Statudol

Mae'r broses ymgynghori yn ddarostyngedig i ofynion y Cod Trefniadaeth Ysgolion, rhif y ddogfen 011/2018.

Ar ddiwedd yr ymgynghoriad hwn, **ddydd Gwener 22^{ain} Hydref 2021**, bydd y Corff Llywodraethu yn cyhoeddi adroddiad ar yr ymgynghoriad a fydd ar gael ar wefan yr ysgol.

Bydd yr adroddiad yn cael ei gyflwyno i'r Corff Llywodraethu ar **23^{ain} Tachwedd 2021**.

Os bydd yr argymhelliad yn cael ei dderbyn gan y Corff Llywodraethu yna bydd hysbysiad statudol yn cael ei gyhoeddi a bydd cyfnod gwrthwynebu 28 diwrnod yn dechrau. Bydd adroddiad yn cael ei gyhoeddi ar y safbwyntiau a fynegwyd yn ystod y cyfnod gwrthwynebu, a bydd ar gael ar wefan yr Ysgol.

25: Cyfnod ymgynghori

Bydd y cyfnod ymgynghori rhwng **10^{fed} Medi 2021** a'r **22^{ain} Hydref 2021**.

NI FYDD ymatebion a dderbynnir yn ystod y cyfnod hwn yn cael eu hystyried fel gwrthwynebiadau. Bydd yn rhaid i ymatebion pellach gael eu cyflwyno yn ystod amserlen gyhoeddiedig yr 'Hysbysiad Statudol' (yn amodol ar gyhoeddi Hysbysiadau Statudol) petai ymgynghoreion yn dymuno cyflwyno gwrthwynebiad i'r cynigion.

26: Cyhoeddi hysbysiadau statudol

Mae hyn yn ddarostyngedig i gymeradwyaeth Adroddiad ar ôl yr Ymgynghoriad y disgwylir ei gyflwyno gerbron y Corff Llywodraethu ar **23^{ain} Tachwedd 2021**.

27: Penderfynu ar y cynigion

Petai'r Corff Llywodraethu yn penderfynu bwrw ymlaen â chyhoeddi'r hysbysiad statudol bydd canlyniadau'r hysbysiad statudol yn cael eu cyflwyno i'r awdurdod lleol yn gynnar yn flwyddyn 2022. Yna bydd yr awdurdod lleol yn asesu'r broses ymgynghorol ac yn penderfynu a ddylai fwrw ymlaen â'r cynnig neu beidio.

28: Hysbysiad o'r penderfyniad

Yn amodol ar fwrw ymlaen ag unrhyw gynnig, fel uchod yn 27, bydd yr holl ymgylgoreion yn derbyn hysbysiad o'r penderfyniad. Bydd yr hysbysiad hwn hefyd yn cael ei gyhoeddi ar wefannau'r ysgol a Chyngor Sir Ysgol Ddinbych; at hyn, bydd yr hysbysiad yn cael ei arddangos wrth fynedfa'r ysgol cyn gynted â phosibl yn dilyn y penderfyniad.

29: Ffurflen ymateb yr ymgynghoriad ffurfiol

Mae Corff Llywodraethu Ysgol Llanfair Dyffryn Clwyd wedi cynnig cynyddu capasiti Ysgol Llanfair Dyffryn Clwyd o 105 o ddisgyblion amser llawn i 126 o ddisgyblion amser llawn o 31^{ain} Awst 2022.

Hoffwn gael eich barn am y cynnig. Gallwch roi eich barn drwy'r dulliau canlynol;

- Os ydych yn edrych ar y ddogfen hon ar-lein yna cliciwch [yma](#) i gwblhau'r arolwg ar-lein;
- Os ydych wedi derbyn copi caled o gynnis yr ymgynghoriad, a fyddech cystal ag anfon eich ffurflen ymateb i Ymgynghoriad Ysgol Llanfair Dyffryn Clwyd, Ysgol Llanfair Dyffryn Clwyd, Rhuthun, Sir Ddinbych, LL15 2SD cyn **dydd Gwener 22^{ain} Hydref 2021**.
- Ewch i'n gwefan yn <https://www.ysgolllanfairdc.cymru/ymgynghoriad.htm> a dilynwch y cyswllt at yr arolwg;
- Neu gallwch sganio'r ffurflen ynghlwm a'i hanfon ar ffurf e-bost atom yn ymgynghoriadysgolllanfair@sirddinbych.gov.uk
- A fyddech cystal ag anfon eich ymatebion atom erbyn **dydd Gwener 22^{ain} Hydref 2021**.

1. A ydych chi o blaid y cynnig?

(Ticiwch un blwch os gwelwch yn dda)

Ydw	
Nac ydw	

2. Rhowch sylwadau ynglŷn â'r cynnig ac unrhyw awgrymiadau ar gyfer cynigion eraill y dylid eu hystyried yn y blwch isod:

Eich Sylwadau:-

3. Eich Manylion

Enw:	
Cyfeiriad:	
E-bost:	
Rhif ffôn:	

Ticiwch y blwch os ydych yn dymuno i ni roi gwybod i chi pan fydd adroddiad yr ymgynghoriad wedi cael ei gyhoeddi ☐

Sylwer: Mae'r daflen hon at ddiben yr ymgynghoriad yn unig. Bydd yr holl sylwadau yn cael eu hystyried fel rhan o'r broses ymgynghori, fodd bynnag, ni fyddwn yn ymateb yn unigol i'r sylwadau.